

欽定大清會典事例

欽定大清會典事例卷二百三十七

戶部

關稅考叢一

考叢○順治五年題准關差考叢稱職方准回部有不稱職者該督撫據實題參○十一年題准關差一年為滿凡到任回部均量地遠近限定期崇文門限前官任滿第二日到任本任滿第二日回部河西務限六日臨清關三十日淮安關五十日揚州關五十五日西新關六十二日蕪湖關鳳陽關六十七日許墅關七十一

即北新關。九江關。八十六即。贛關。百有十日。太平關。一百三十五日。違者叢參。○康熙四年。覆准地方官徵收關稅。以受事日為始。扣至一年。督撫題報考叢。○八年題准。關稅欠不及半分者罰俸一年。半分至一分以上者降一級。二分以上者降二級。三分以上者降三級。四分以上者降四級。皆調用。五分以上者革職。缺額錢糧免其追賠。溢額不准議敘。如有事故。以離任日為止。作分數考叢。至商稅不令親填簿冊。及不給紅單者。罰俸一年。如將部頒稅簿。用關差印。

填送。或將稅簿紅單不按季報部者罰俸半年。

收稅草簿報部限期天津關二十日臨清關二  
十五日淮安關揚州關蘇塗關三十五日蕪湖

關西新關四十日北新關四十五日九江關五十五日贛關六十日

○十一年題

准關差回京原領專

敕精微批文親繳部科違限一月以內者免議一月  
以外照例交部議處○十四年題准各關欠不  
及半分者降職一級留任餘照前例全完者紀  
錄一次溢額每千兩者加一級至五千兩以上  
者以應升先用部差官員不令督撫管轄如地  
方荒歉河道壅塞自行報部移咨督撫查覆考

數。○十六年題准各關額稅銀二萬兩以上者。  
仍照前例議敘。萬兩以上者額稅全完紀錄一  
次。溢額半分以上加一級。一分以上加二級。一  
分半以上加三級。二分以上加四級。三分以上  
以應升先用數多者遞准加級。○十七年定關  
稅足額者不准議敘。○十九年題准山東仍開  
海禁令該撫查報船戶毋致匿稅。○二十五年  
議准嗣後稅銀四季報解部科簿單候任滿日  
稟報有溢額者停其議敘。○又議准商人親填  
簿單令各監督任滿親身帶回繳送部科查數。

○四十六年題准蕪湖關粵海關均展限兩月  
北新關展限三月天津關展限二十日○四十  
九年

諭各關請展限者甚多此皆伊等圖利並無益於公事。  
此後將題請展限者永行停止如有題請者該部嚴  
察議奏○五十四年覆准奉天義州所屬沿邊等口  
漏稅太多展限一年令監督親身赴舊關九關  
臺喜峯等口巡查所得贏餘銀作為額稅○五  
十五年議准嗣後各省關差一年差滿缺欠錢  
糧題請展限補缺額者交與該部照納職例革

職其所欠銀交與該旗著落家產追賠。如有遲滯不將任滿回京日期於兩月前具呈考察及收稅冊籍不交納者將出差官暫停升轉俟考察具題完日方許照常升用。○五十八年覆准浙江南北二關將任滿一年稅銀照例按季解部。○雍正二年題准贛關稅銀每年呈報內部就近充餉。○四年議准游牧處應解皮毛仍令張家口監督運送至京所需車價在節省銀內動支據實數減。造冊報部統於考覈案內題銷。○五年議准嗣後川省米船到夔關時即令該

府稽查除夾帶私鹽及違禁等物按律究擬外  
其船之大小照依淮閩尺寸則例科稅如有別  
項貨物仍照夔閩舊例收納統歸正項○六年  
題准四川省打箭鑪徵收雜稅照地方徵稅之  
例每兩收稅三分○又題准回空糧船裝載梨  
棗等物滿載者照重運額載糧米四百石計算  
合貨四百八十擔平倉者照三百石米算合貨  
三百六十擔半倉者照二百石米算合貨二百  
四十擔以小擔每擔四分計算滿載應納銀十  
有九兩二錢平倉納銀十有四兩四錢半倉納

銀九兩六錢。豆貨滿載。仍以四百石算納銀十  
有六兩。平倉以三百石算納銀十有二兩八錢。  
半倉以二百石算納銀六兩四錢。○又題准淮  
關每年首二三季額銀。仍差吏役管解。其第四  
季額銀。及一年存庫橐解並贏餘銀。自雍正六  
年為始。當季滿之時。咨報江蘇巡撫委官解部。  
○七年題准。潼關徵收商稅。較之部頒條例久  
已加增。照現徵之數著為定例。勒石關前。仍將  
現行徵收銀歸入正額造報。○又奏准。江海關  
所屬廟灣口稅。歸淮安關管理。其徵收條例仍

照江海關之例。並將廟灣口一年應徵商稅額。  
徵贏餘數目移咨淮闈考覈。○又題准粵東遇  
仙橋洽光廠徵收稅例。均照太平橋部頒條例  
徵收其蘇木檀香胡椒三項稅銀。仍照遇仙橋  
條例權徵。○八年覆准廣西省梧滌兩廠酌定  
歲額。每年梧廠徵收銀四萬六千八百二十八  
兩有奇。滌廠每年徵收銀三萬四千一百三十  
一兩三錢有奇。除於此二廠徵收額稅內撥給  
各官養廉歲終別冊報部外。實存銀二萬八百  
四十九兩三錢有奇。作為正額。至此內有每年

兼收米穀稅銀。恐歲有豐歉。則稅亦有多寡。務令儘收。儘解。據實具題。○又題准嗣後閩海關徵收海船梁頭稅銀。如船戶有抗欠不完。於考叢冊內註明。報部存案。一面行文原籍追完。解交接任監督彙解。如該州縣推諉遲延。照依督催雜項錢糧之例。參處。○十一年覆准鳳陽蕪湖兩關平法錢子。均不畫一。交工部成造頒給。該管官如有私造。故為輕重作弊。令該督撫查實題參。其所收商稅銅斤水腳銀。照正稅一例填入單內。給商收執。俟早晚放關。即驗單截角。

放行。至年滿考覈時。將所收正稅贏餘若干銅  
斤水腳若干。分造清冊報部。○又題准廣東省  
瓊州等口所收稅銀俟季滿具文解交粵海關  
監督庫內。沿途經過地方撥兵護送。解役盤費。  
於羨餘項下按程支銷。○十二年題准四川省  
夔關徵收商稅。以雍正十一年奏報銀七萬三  
千七百四十兩九分有奇。作為定額。其米船稅  
銀難以定額。令該撫不時稽查飭令監收之官  
據實儘收儘解。仍於每年題報時取具並無隱  
匿印結彙報題。○乾隆元年題准揚州關所

過邵伯船裝載豆稅每石照舊完稅一分其滕  
家墾落地稅銀就近歸泰州徵收仍附入揚州  
關考叢○又奏准江西省九賴二關鈔課令商  
人將應納稅銀自行投櫃收銀之後發三聯單  
一給商人一交巡撫衙門一存稅署以免需索  
侵隱之弊○又覆准淮倉項下徵收商稅等銀  
該關官一年差滿將任內徵收解給錢糧造冊  
具題考叢○又覆准張家口居庸關向無火耗  
其書役飯食等項照崇文門之例車駄貨物過  
稅收取飯錢以資養膳○四年

諭。上年江安兩省歲旱歉收。朕蠲賑兼施。多方籌畫。並令豁免米糧賦稅。俾商販流通。源源接濟。於地方甚有裨益。續經該督奏請。將淮安揚州游墅鳳陽等關免徵米稅。俟乾隆四年麥熟時停止。朕降諭旨允其所請。今屆麥熟之期。聞各屬雨澤尚有未曾霑足之處。且上歲歉收之後。米價一時未能平減。若商販稀至。仍恐民食艱難。著將上下江各關口米稅照舊免徵。俾商賈踴躍從事。則米船衆多。價值自平。而民食有賴。俟本年九月米穀盛行之時。再照定例徵收。○

五年奏准。各關任滿。但將一年徵收額稅繕本。

具題。其或較上年多寡。並因何短少緣由。不必  
故入本內。令該監督等另摺具奏。○又定各關  
需用冊檔。照部頒冊式由頭。刊刷裝訂成籍。鈐  
蓋關印。送部鈐印給發。至在京新放監督。令該  
員具呈請領事由冊式自行裝訂。呈部印發。○  
六年

諭各省關稅定有正額。而儘收儘解。自有贏餘。此不過  
社司權者侵蝕之弊。並無有累於商民也。但各省年  
歲之豐歉不同。貨物之多寡亦異。其贏餘原不能每  
年盡一。近見各關報滿之時。如贏餘浮於上年。則部

中不復置議。如減於上年之數。即行駁農司。榷者惟恐部駁。必致逐歲加增。年復一年。將何所底止。苦累商民事。有必然之勢。朕思關稅贏縮。相去本不致懸殊。若乙年所報贏餘之數。稍不及甲年。原可不必駁。鑿。若過於短少。亦必有情由。惟應令督撫稽查。則地方實在情形。自難逃於公論。總之查覈過嚴。則額數日增。其害在於衆庶。查覈稍寬。則司榷侵蝕。其損在於國帑。此中輕重。固有權衡。况清廉之吏。斷不肯侵帑肥家。而不顧行止者。終必敗露。亦斷無安享無事之理。其如何定例之處。著大學士會同該部詳議具。

奏欽此遵

旨議定嗣後各關贏餘銀如與上年數目相仿者戶部  
即考叢具題如本年所報贏餘與上年數目懸  
殊令各該督撫就地方情形詳細查叢如無侵  
隱等弊即據實聲明覆奏儻該督撫覆奏不實  
及扶同徇隱別經發覺一併交部議處○又覆  
准黃豆一項非麥秫可比雖遇歉年不准免稅  
○七年題准通州戶部分司所屬黃村地方照  
舊設立稅口稽查漏稅○又

諭國家設關榷稅定其則例詳其考叢凡以崇奉抑末

載諸會典著為常經。由來已久。其米豆各項向因商人販賈鬻賣。是以照例徵輸。第思小民朝饔夕飧。惟穀是賴。非他貨物可比。關口徵納米稅。雖每石所收無幾。商人藉口額課。勢必高擡價值。是取之商者。仍出之民也。朕御極以來。直省關稅屢次加恩減免。又恐權吏額外浮收。刊立科條。多方訓飭。每遇地方歉收。天津臨清許墅蕪湖等關口商販米船。概給票放行。免其上課。皆以為民食計也。但係特恩。間一舉行。未能普偏。夫以養民之物而榷之稅。轉以病民。非朕已溺己飢之懷也。今特降諭旨。將直省各關口所有。

經過米豆應輸額稅悉行寬免。永著為例。俾米穀流通。民食充裕。懋遷有無者。不得藉以居奇。小民升斗之給。不致有食貴之虞。以昭朕惠養黎元之至意。至各關口徵收則例。不一。有徵商稅者。有徵船料者。有商稅船料並徵者。今既蠲免米稅。其船料一項。若不分析明確。著為條規。恐致混淆滋弊。應如何辦理之處。著該部詳查妥議。具奏。○又

諭朕愛養黎元。特沛殊恩。將關榷米豆等稅悉行蠲免。以為充裕民食之計。但船料一項。議論不一。現發九卿會議。尚未覆奏。朕思此事並無難辦之處。向徵船

料者應照例徵收。向不徵船料者。豈可因免米豆之稅而轉加徵船料。可即速行文各關知之。欽此。遵旨議定。將向例徵收空船料銀者。遇有裝載米糧過關。

其應納料銀照依空船料銀之數納料。如本係空船及按年抽單納課者。仍照舊例徵收。○又諭。山東臨清關向徵銅補商補相沿已久。報部則統名之為船料。前撫臣改為計石上稅。而將銅補商補歸入石頭徵解。是名革而實存也。今朕既降旨蠲各省米糧之稅。此項亦應一體加恩。概行豁免。○又題准。臨清關所屬之德州魏家灣尖冢樊廠等處口。

岸照舊設立。以便巡查。○又覆准閩海關之南山邊一口。免其徵稅。止留巡哨稽查。其客商於銅山自報不實。不盡之貨。統歸石碼口秤驗照例徵收。○又覆准蕪湖關之東河口。凡兩數以內之貨稅。就近在該口稽徵。兩數以上之貨稅。仍赴大關完納。○十年奏准行令。免徵米豆稅銀各關。不得藉免。米豆稅銀名色有虧正額。有藉端缺額者。令其賠補。其免過米豆稅銀虛數。停其造報。○又奏准。回空糧船。如無梨棗可帶。准其攜帶核桃瓜子柿餅等物六十擔。以抵梨

聚之數。如有多帶及帶別項貨物者。仍按例徵收。○十一年定嗣後各關任滿具題。即將銀數冊籍一同起解。仍於題本內將委官起解日期。聲明題報。其冊籍到部。移送戶科磨對。俟戶科發回之日。由部扣限具題。如該關題本已到。而銀冊遲至二十日後未到者。取具該管官職名。參處。又各關徵收贏餘較止年短少。有俟督撫查覈覆奏者。仍於題本內聲明未便遽行考覈。字樣。並令該督撫以奉。

旨之日為始。扣限四月覆奏。逾限未覆者。即行咎催。

又崇文門左右兩翼张家口。山海關年滿向不題報。今年滿具題各關已經定期考覈。則崇文門等關亦應酌定定期嗣後以任滿三月之後。即將冊籍送部移科磨對。又嗣後各關年滿具題而銀冊已到。及贏餘並無短少者。雖有經手案件未清。亦應先行考覈。其有應追經費銀。仍於彼案內著追完結。○十二年題准。福建省詔安縣溪雅稅館改設懸鐘地方以免偷漏。○又

諭。昨據工部具奏。蕪湖工關較去年短少。行令查覈業已降旨依議。今日戶部議稱。蕪湖戶關贏餘較去年

有餘毋庸置議等語。此案工關贏餘雖較上屆不足。其戶關較上年贏餘之數足敷抵補。如將有餘者毋庸置議。不足者再行查覈。於考覈功過之意未合。即行查覈亦徒多往返。登答工部再行查覈之處不必。

行。嗣後著該部照此辦理。如一人而兼兩關。其比較上年贏餘之處。均有不足。再令該督撫據實查覈。

又題准淮安關之廟灣口船鈔。向係按季僉差。赴阜甯等五縣協催。憑差役按戶秤收。難免勒索。嗣後令各州縣就近徵收。按季解關。○十三

諭

朕降旨蠲免各關米豆稅銀。本以食為民天。關稅優免。則市價可減。是以不惜千萬正課。為小民謀饑飧。寬裕計。當時內外臣工。屢有以但利商賈無益民生。為言者。概未允准。朕意欲試行數年。果否。於民食有裨。再行酌量。乃數年來。稅免而米豆之價。不惟不減。且昂貴時。或有加明係。姦商不知免稅之恩。專利自封。轉以有限之帑項。肥三倍之囊橐。無裨閭閻。尤宜仍復原額。且地方偶有偏災。即將該處關口應徵米豆稅額。加恩寬免。則估舶聞風雲集。市值自平。駟倅不得居奇。窮黎均霑實惠。轉得操權自上。朕意不專。

為軍需起見也。如既復之後。姦商藉端長價。弋利妨民。該地方官即應嚴行查明究處。至淮關因寬免米稅後。該監督奏准加徵船料。今既徵米稅。仍循舊例行令各該監督暨地方官明悉。出示曉諭。毋令胥役陽奉陰違。致滋弊竅。○又奏准。淮關裝運米豆等免稅船過關。凡滿二百石以至千石之外。應報納整單者。照例量明梁頭尺寸。每尺科以船契銀二錢五分。分單每尺科船鈔銀三錢三分。照各船實在梁頭權數。概以九折折准尺寸。一律科算徵收。其未滿二百石。僅有二三十石。及一百

八九十石者。准照渡船並小契半鈔大契半鈔之例。數滿二十石為渡二徵鈔銀二錢三十石為渡三徵銀三錢四十石為渡四徵銀四錢五十石為渡五徵銀五錢六十石至九十石為渡六皆徵銀六錢如滿百石除徵鈔銀六錢外再報小契一張納銀六錢如百有十石至百五十石除納小契外納鈔銀八錢如百六十石至百九十石契銀按梁頭二錢五分一尺科徵外納鈔銀一兩至自上而下之船有由淮關分口之長山白洋新河後湖四處例先徵收北鈔錢糧。

今大關雖改收契鈔。並非重複。其廟灣口例徵  
梁頭銀。仍照舊徵收。又過關應稅貨船。並無駁  
運偷漏情弊。未便照米豆等免稅船加徵。應仍  
照整單分單舊例徵收。准其來回一載年滿。再  
行別納。○十四年奏准。各關徵收贏餘銀。除各  
關監督向由自行奏

聞者。仍照舊例辦理。其例應報部者。該監督於年滿  
時。比較上屆若有短少。即報督撫確查。該督撫  
出結會奏。所有比較上屆短少銀數。即於各該  
督撫監督名下追賠。○又奏准。關稅贏餘。雖與

正額有閒亦宜酌定處分嗣後比較上屆短少不及一分者免議外其一分以上者罰俸一年二分以上者罰俸二年三分以上者降一級留伍四分以上者降一級調用五分以上者降二級調用仍令按照條例徵收不得藉端滋弊工部所管各關亦一例辦理○又

諭關稅贏餘一以雍正十三年徵收數目為定額嗣後正額有缺者仍照定例處分其各關贏餘成數視雍正十三年短少者該部按所定分數議處永著為例○又題准鳳陽關於青陽鎮並宿州境之苻離

集設口徵稅。蔣家壩河口設口稽查。○十五年  
奏准。各關管理稅務。無論兩任三任。均令扣足  
一年為滿。其管關一年零數月者。將一年贏餘  
奏報。零月歸於下屆。統俟扣足一年。再行彙奏。  
其各任所徵贏餘。較之成數無虧。及此任徵多  
能抵補。彼任短少者。均毋庸議。儻彼任短少。而  
此任所餘之數不能抵補者。止將短少之員議  
處。如各任所徵銀數皆少者。皆照例議處。如前  
任所徵稅課果係實力稽查。儘收儘解。令接任  
之員。出具並無捏飾印結送部。其已經出結以

後接任不得復將短少緣由推諉前任。儻接任  
官員查出前任果有徵多報少侵蝕等弊。即據  
實參奏。如扶同徇隱發覺將出結之員一併交  
部議處。○又奏准廣西省梧州。潯州二廠徵收  
稅銀委員試收一年除正額外得贏餘銀一萬  
七千三百三十四兩有奇嗣後即以試收之數  
為衡。○又移福建省甯德縣稅口駐酒嶼。○十  
八年

諭各省奏報關稅贏餘數較上屆短少。部議皆交督撫  
查明情由。從未有查出侵蝕情節據實參劾者。章奏

往返竟成故套朕思關稅時贏時絀勢所不免若無  
故短少或任意侵肥該督撫自應隨時奏聞治罪如  
果無情弊何必重複聲明致滋案牘嗣後各省奏報  
關稅贏餘數目該部覈覆時毋庸復交督撫查奏○

又奏准關稅贏餘較上屆短少無幾者本部隨  
奏覈結較上屆短少大相懸殊者令該監督將  
該年情形據實奏報如無故短少任意侵肥本  
部即行參奏仍照數追贖其工部所管龍江等  
關亦一例辦理○十九年移福建省廈門所轄  
玉洲稽查舊館駐石美就近稽查○又覆准江

海關之任家狼山二港商船每因沙漲難行嗣後由大汎港設役分巡所收稅銀歸任家港報解○又移安徽省鳳陽關設立稽查之灘河口駐虹縣改南關徵收納課之青陽鎮駐灘河口○二十年移江蘇省淮安關流均口駐涇河地  
方徵稅○二十一年

諭上年江浙二省歉收屢經降旨截漕賑恤令該督撫等多方撫綏惟是該省收成既歉米糧市價自必昂貴全賴商販流通源源接濟所有江浙二省各關口應徵米豆額稅俱着加恩暫行免徵至秋收後照例

輸納該部遵諭速行。○二十二年

諭今歲河南各屬被水成災已屢降恩旨籌辦撫綏但米糧充裕尤須商販流通著將江南江西山東湖北等省商販米麥雜糧船隻查係運往豫省災地糶賣者經由赴豫各關加恩免徵糧稅俟明年麥熟後仍報明停止。○又

諭湖北撥運豫省米石抵豫交卸後原船回過各關例應輸納船料但各船戶回權時若僅原船回空著加恩免其徵收船料。○又奏准嗣後各關徵收贏餘銀兩較上屆數目大相懸殊者令監督按照該年

情形據實奏報。即交督撫委員赴關嚴查。若有  
徵多報少情弊。立即揭參。若果儘收儘報。出結  
查明具詳。由督撫確查具奏。其督撫管理各關。  
亦互相查勘辦理。如戶部覈對稅冊。經徵數目  
果屬相符。即行准銷。有未符者。再為指駁詳查。  
至督撫並不實力稽查。及有扶同徇隱情弊。查  
出參處。仍將短少銀兩。著落按數分賠。二十  
三年覆准江西湖南四川等省撥運豫省米石  
之回空船隻。一體免其納料。○又

諭湖北撥運豫米船料。業經降旨免其徵稅。其運東川

米原船回空時。如查無攬載客貨者。一體加恩免其徵收船料。○又議准免稅一事。於災地實無裨益。嗣後應仍照舊收稅。在各商自屬循例輸納。並非額外增益。而米價翔貴之區。商販聞風雲集。自然源源運糶。於商無阻。而民食亦資接濟。○二十五年復准回空糧船除麥子不准攜帶抵數外。其各項土宜。總以六十石抵數免其輸稅。如有多帶。按則徵收。○二十六年奏准。淮安關增設石磚稅口。徵收錢糧。仍入海關報解。○二十七年復准。龍江。淮安。二關歸兩江總督稽查。計

陞關歸江蘇巡撫稽查嗣後每月關稅所收數目應報督撫及一年期滿彙報稅銀贏虧數目監督一面具奏一面咨會督撫庶可隨時稽覈通行各關一體遵照○又奏准閩海關之南臺口所轄地方遼闊於長樂縣陳唐港水次蓋房派役駐紮巡查○二十八年覆准多倫諾爾雜稅歲以萬六千八百五十八兩有奇作為定額如有贏餘儘收儘解○二九年奏准各關起解錢糧俱一體填給勘合火牌兵牌其節省水腳銀兩解內務府查收○三十年覆准寶古塔

放票之年額稅銀九百十有二兩。木稅額銀五百十八兩。伯都訥額稅銀二百七兩。拉木額稅銀七十二兩。阿爾楚喀額稅銀百三十八兩。

三十一年

諭節省水腳銀兩。嗣後各關俱著隨正額贏餘解交戶部。○三十二年覆准岫巖城所屬之鮑家馬頭等七口岸海船商稅歸山海關監督設局抽收。○三十三年奏准。嗣後京輔稅差照各省關差之例。扣准一年報滿。該員止將一年限內稅課贏餘自行具奏。如有餘日歸後任接算。於下年期滿。

時黨行奏報其未及任滿離任者將所收錢糧  
報部交後任監督接徵扣至一年期滿分析聲  
明稟奏○又

諭各省關務及織造兼管者皆經朕簡派前往並無管  
轄大員若尋常稅口由各該衙門保送司員引見派  
往者該堂官相隔既遠無從查察自應另派所在大  
員兼管留心稽覈以重責成如該監督有侵蝕情弊  
參處後不能完項者即著落該管大員代賠嗣後如  
何派令大員就近兼管及設法稽查之處著各該衙  
門詳晰定擬具奏欽此遵

旨議定。各關稅課除例係各該將軍督撫鹽政織造管  
理及

特旨簡派專員前往管理者毋庸另議。至山海關張  
家口八溝塔子溝三座塔烏蘭哈達多倫諾爾。  
交直隸總督兼管稽查。殺虎口歸化城。交山西  
巡撫兼管稽查。

盛京牛馬稅中江稅二處交

盛京戶部侍郎兼管稽查。坐糧廳交倉場侍郎兼  
管稽查。打箭鑑交四川總督兼管稽查。荆關交  
湖廣總督兼管稽查。○三十五年覆准歸併山

海關之鮑家馬頭等七口岸海船商稅以一千三百九兩有奇作為定額。○又覆准歸化城徵收雜稅銀兩並牲畜稅錢以銀一萬五千兩錢九千串作為正額其餘銀一千五百四十八兩有奇錢一百三十七串有奇作為贏餘。○又議准三姓地方額稅銀二百九十九十兩木稅額銀百二十八兩有奇。○三十六年議准奉天商販不由山海關報稅繞道進古北口者令八溝塔子溝三座塔烏蘭哈達等處監督照山海關則例徵稅所收稅銀另款解部。○又奏准滸墅關於

白茆設立稅口。凡自蘇販往靖。如通奉之南貨。  
止許赴福山一路販運。以便稽查其北來貨物。  
有收白茆口者。准其納稅進口。○又覆准梧廠  
裁減公費。歸入正稅銀一千四百七十三兩有  
奇。渟廠裁減公費。歸入正稅銀九百十有五兩  
有奇。○三十八年覆准由福之南壩稅房移設  
中福。凡商船出入照則輸稅。○四十一年

諭前因各關贏餘參差不齊。恐每年逐漸加增。無所底  
止。曾經降旨以雍正十三年成數為准。示以折衷之  
制。俾不致多寡懸殊。其法最為妥善。乃行之未久。部

臣復因各關奏報贏餘。大概較多於前。謂仍以上屆數目為比較。遂無成式可循。以致遞行短少。此部臣辦理之未善也。嗣後各關考覈。務照雍正十三年之數比較。○四十二年

諭。各關稅課贏餘。例與上屆相比較。朕臨御之初。本不知各處所收關稅。多寡之數。因諭部臣。即以雍正十三年為准。使胥吏不敢例外苛求。監督不能徵多報。少且使每年比較。不致歲漸加增加減。無所底止。實於體恤商民之中。寓司關稅不致作弊剋減之意。並非因雍正十三年關稅獨多。使各關稅必足其數也。

乃行之未久。部臣因各關奏報贏餘較雍正十三年有贏者居多。若置上屆於不問。恐監督以比舊已多。即可從中侵隱。易滋流弊。請仍與上屆相比較。又復通行日久。昨歲考覈淮關鳳陽關較上屆屢形短絀。因令復照雍正十三年比較。則所短之數更多。自係辦理不善。今揚關亦復節年短少。且通計短少最甚者。惟此三關。若因此而偏及諸關。未免窒礙。且恐無識之徒。疑朕於關稅必欲從其多者相覈。實不知朕體恤商民之本意矣。若朕有意於帑項增多。則不三次以免天下錢糧。其所增益不較此百倍乎。又思乾

隆二十八年臨清關徵收贏餘較二十七年短少朕  
曾諭戶部令與二十五六兩年再行比較嗣經部臣  
奏稱該關贏餘之數雖較上屆少銀三萬餘兩而較  
之二十五六兩年尚多銀一萬五千餘兩即予免議  
蓋稅課贏縮率由於年歲豐歉固難免參差不齊而  
通計三年即可得其大概若多寡不甚懸殊原可母  
庸過於拘泥此法最為平允嗣後各關徵收贏餘數  
目較上屆短少者俱著與再上兩年復行比較如能  
較前無缺即可覈准若比上三年均有短少再責令  
管關之員賠補彼亦無辭夫朕以雍正十三年為准

者本屬美意今既有此求全之毀嗣後此例不必行

○四十三年奏准粵海關稅銀總以關期報滿六箇月內迅速奏解如有遲延即行叢參○四十四年議准甯古塔等處徵收煙酒稅銀令該將軍入於雜稅項下報部○四十五年

諭粵海關經徵課稅向來原視洋船之多少貨物之粗細以定贏紳非游墅等關徵收內地貨物者可比嗣後該部查覈粵海關徵收課稅即以該年之船隻貨物覈實考査毋庸照各關例將上三屆比較○又諭各關缺少贏餘稅額定例令其按數賠繳原所以杜

侵蝕之弊。但如計墅海揚長蘆等關監督養廉本優。  
又多留任接管。則以其盈積整補缺少。尚可不致賠  
累。然其中有實因商販稀少。並非經徵不力者。朕尚  
為加恩。令其減數著賠。至一年報滿之小差。養廉本  
屬無多。所值又豐歉不一。若以贏餘短少。輒令折變  
房產。既非所以示體恤。將來差員轉不免視為畏途。  
甚或有豫虞賠墊。更別生病商累民之事。流弊亦不  
可不防。既以其經理不善。量示懲儆。亦止須將其任  
內養廉按數追出。不准賞給。亦足蔽卓嗣後此等一  
年稅差。俱照此辦理。儻監督等恃有此旨。輒敢徵多

報少則督撫等具有耳目即當據實嚴叅從重治罪。  
○又題准山海關黃豆豆餅稅銀以二萬八千  
一百三十三兩有奇作為定額○四十六年覆  
准打箭鑑收稅親填簿令四川總督照例委員  
送部鈐印給發○四十七年奏准嗣後外夷商  
船到閩海關其裝載貨物照粵海關則例徵收  
○五十一年奏准商人承買寶泉局渣土每四  
百萬斤帶拉棄土三百二十萬斤納崇文門稅  
銀百有十兩○五十二年奏准各關需用收稅  
冊檔如在京之崇文門左右翼於關期未滿一

月以前飭令書吏赴部印發附近京城之坐糧  
廳夫津關於關期未滿兩月以前僉差赴部印  
發其張家殺虎二口歸化城山海關於關期未  
滿三月以前僉差赴部印發又離京較遠之揚  
州江海淮安許墅臨清北新浙海鳳陽蕪湖龍  
江九江贛等關統限關期未滿六月以前僉差  
赴部印發至離京最遠之太平粵海閩海等關  
限關期未滿九月以前差吏赴部請領儻有請  
印遲延以致擅用本關簿冊登填者照例嚴參  
○五十四年奏准張家口正稅銀兩全數留為

賽爾烏素臺站官兵俸餉等項之用。其不敷銀兩再於贏餘銀內留存一併移交該都統衙門以備支放。○又覆准武昌關贏餘銀兩暫停解部留為湖北省文職養廉之用。將來養廉存款充裕仍解部交收。○五十五年覆准五虎門港淺礁多到口船隻因距南臺較遠多係駛進閩安口停泊令閩安鎮稅口徵稅給單由五虎門出口船隻責成南臺稅口稽徵給單經過閩安鎮口覆驗放行至進口船隻所置貨物有運往他處者聽商民於納稅時報明數目填註紅單。

定限一月以内免其重徵。其有逾限出口或限  
內將原報貨物搬運別船均徵出口稅銀即限  
內出口船隻單外添置之貨仍照例納課令商  
登入親填簿送部考覈○五十六年

諭聞海關贏餘稅銀嗣後不必解部即著留於福建藩  
庫以備支放兵餉之用至各省內如有似此地丁銀  
兩不敷支放兵餉者其有關稅省分應解稅銀亦著  
照此辦理該部即詳細查明分別應留應解之項行  
知各省一體遵照欽此遵

旨查明有關稅省分額徵地丁不敷之廣東省每年覈

計不敷數目於粵海關贏餘內酌籌撥給至江  
西湖北江蘇安徽浙江山東直隸山西等省額  
徵地丁俱有多餘所有九江贛西新滸野淮安  
揚州江海蕪湖鳳陽浙海北新臨清天津山海  
殺虎歸化城等關口贏餘銀兩母庸留備兵餉  
○五十七年

諭嗣後粵海關稅務不必令督撫兼管其每月到關船  
數若干所載貨物粗細各若干著責成該督撫詳細  
查明按月造冊密行咨報戶部俟一年期滿時交該  
部將該督撫所報清冊與該監督所報清冊彙總報

對。如有不符之處。即行參辦。○又

諭。各省年歲豐登。糧價平減。商販自然絡繹。關稅正當增贏。斷無因稔收轉致稅額短絀之理。前次淮揚等關短少贏餘。即以豫東等省因旱薄收豆麥南下者少為詞。今荆關贏餘短少。又藉詞於糧價平減。船隻短少。則歲歉固絀。歲豐亦缺。必如何而後可。豈司榷務者。因關稅短少而轉望歉收。有是理乎。各省督撫皆受朕厚恩。簡任封坼。遇有關繫錢糧重務。自應各矢天良。平日嚴密稽查。毋任胥吏舞弊。以致虧短。或因水旱不齊。稍有短絀之處。原不妨據實直陳。何必

藉詞年歲轉成虛飾殊非事君以誠之道嗣後該督撫等於關稅等務務宜詳慎確覈以實入告毋任屬員蒙混稟報率行轉奏○六十年議准督撫經徵各關稅課有贏無絀及節省水腳銀兩循例具題母庸再奏○又議准孤榆樹地方徵收馬畜稅銀以一百三十二兩作為定額

欽定大清會典事例卷二百三十八

戶部

關稅考義二

嘉慶四年

諭。向來各關徵稅於正額之外。將贏餘一項。比較上三屆徵收最多年分。如有不數。即著經徵之員賠補。以致司推各員。藉端苛斂。而賠繳之項。仍未能如數完交。徒屬有名無實。因思各關情形不同。所有贏餘數目。自應酌中定制。以歸覈實而示體恤。已於戶部所奏各關贏餘銀數清單內。經朕查照。往年加多之數。

分別叢減。自此次定額之後。儻各關每年贏餘。於新定之數再有短少。即行著落賠補。如於定數或有多餘。亦即儘收儘解。其三年比較之例。著永行停止。

又

欽定贏餘數目。坐糧廳六千兩。天津關二萬兩。臨清關一萬一千兩。江海關四萬二千兩。滸墅關二十三萬五千兩。淮安關十一萬一千兩。海關廟灣口二十二百兩。揚州關兼由六萬八千兩。西新關二萬九千兩。鳳陽關一萬五千兩。蕪湖關七萬三千兩。九江關三十四萬七千八百兩。贛關三

萬八千兩。閩海關十一萬三千兩。浙海關三萬九千兩。北新關六萬五千兩。武昌關一萬二千兩。夔關十一萬兩。粵海關八十五萬五千五百兩。太平關七萬五千五百兩。梧州廠七千五百兩。潯州廠五千二百兩。歸化城一千六百兩。打箭鑑儘收儘解。山海關四萬九千四百八十七兩。殺虎口一萬五千四百十四兩。張家口四萬五百六十一兩。○又

諭各省管理關務各員。自贏餘減定不行比較之後。固不得稍有苛收。儻遇徵收豐旺之時。仍當覈實辦理。

儘收儘解。亦不得以贏餘業經減額。將多收稅銀隱匿不報。儻經科道叢奏。及朕有所訪聞。必當從重治罪。○又

諭各處關稅贏餘。經上年酌量刪減後。於定額贏餘之外。免其逐年比較。以示體恤。但司榷各員。因贏餘定有額數。於足額之外。未必儘收儘解。或任意欺隱。藉肥私橐。實難保其必無。著通諭各處。嗣後所徵關稅贏餘銀兩。如較新定額數實有加增。即當據實報出。朕必加恩甄敘。儻稍有隱匿。徵多報少。一經發覺。必將該管之員。照監守自盜律治罪。○又奏准打箭鑪。

關稅銀。按十二箇月為一年。期滿題銷。○五年  
奏准。回空糧船。於例帶土宜六十石之外。准其  
多帶二十四石。過關免稅。○六年

論。四川打箭爐每年徵收稅銀。著以二萬兩作為定額。  
如有贏餘。儘收儘解。儻定額數內或有短少。著落管  
關之員賠補。○七年

論。顏檢奏密雲縣徵解木稅。不敷定額。懇請覈實辦理。  
一摺。該縣管理古北口抽分事宜。每年應解木稅。原  
以一千一十二兩零定為歲額。今據稱該處商販寥  
寥。無人領票辦課。山場砍伐既久。近年以來。止有小

民在附近各山採取柴薪。照例輸課。每歲不過三十兩至五六十兩等語。自係實在情形。除嘉慶二年至六年止應解稅銀。仍在歷任之知縣名下照數勒完外。嗣後此項木稅。自嘉慶七年為始。著即照徵收雜稅之例。儘收儘解。不必定以額數。仍著該督責成該道府等隨時稽查。毋得以多報少。致滋弊混。密雲距京甚近。儻一經查出。必將該令等懲處不貸。其該縣原領監督關防。即著繳銷。○九年

論  
諭。浙海關酌減贏餘額數。著定為四萬四千兩。揚州關酌減贏餘額數。著定為七萬一千兩。鳳陽關酌減贏

餘額數。著定為一萬七千兩。西新關酌減贏餘額數。  
著定為三萬三千兩。九江關酌減贏餘額數。著定為  
三十六萬七千兩。滸墅關酌減贏餘額數。著定為二  
十五萬兩。淮安關酌減贏餘額數。著定為十三萬一  
千兩。其餘各關。仍照嘉慶四年贏餘定額徵收。○十  
二年奏准天津鈔關海稅。向係天津縣徵收。今  
改委天津道管理。歷年海運糧船帶貨二成。免  
其納稅。○十五年奏准嗣後好躉進崇文門。每  
兩徵六扣銀二錢七分。中等躉每兩徵六扣銀  
一錢八分。平常躉每兩徵六扣銀九分。按季造

冊報部查覈。○十七年移江蘇白茆口駐劄了  
港。○十八年覆有通州泰興縣屬黃家港淤塞。  
向徵稅銀改由過船港按例徵收仍歸黃家港  
報解。○十九年奏准嗣後崇文門如拏獲繞道  
酒車加倍懲罰並將姦商枷責。○又奏准崇文  
門稅課嗣後甯紬每疋改徵銀九分宮紬每疋  
改徵銀五分四釐燒酒每十斤改徵銀一分八  
釐南酒每小壇改徵銀一分九釐白機布每百  
疋改徵銀九錢色藍平機布每百疋改徵銀一  
兩二錢此外貨物紛繁如經奏准比照者照舊

辦理其餘例無明條。又未經奏定比照者概不准援引徵收。○又奏准簸箕竹帚竹篩竹筐布  
簾布襪皮鞋木屐香草各項到務納課為數甚  
微。嗣後崇文門均免其納稅。○二十年奏淮南  
來紬緞等貨每從江浦六合等處起旱北上止  
納潤關一處之稅偷越淮揚兩關正稅查六合  
縣額設贏行八戶江浦縣額設贏行二十四戶。  
嗣後嚴禁不准額外多設並移行淮揚管關官  
員選派丁役就近巡查以杜漏越○道光二年  
奏准崇文門徵收貨稅每銀三分加平餘銀一

分俱按市平交納。惟酒稅照舊徵收庫平。○又奏准京外各關徵收稅銀管關人員各按各任計成覈算。儻有缺額著落本任賠繳。仍分別正項贏餘照例議處。○又奏准嗣後易州昌平州煙包每包仍照定章作為三百二十斤。每包連平餘共徵銀一兩九錢二分。燒酒每車作為六千斤。連平餘徵銀十四兩四錢。白糖按照白糖之例。每百斤徵銀二錢四釐。白糖按照糖霜之例。每百斤徵銀二錢四分。紹興酒大壘按照麻姑酒之例。徵銀四分八釐。○三年

諭延隆奏接徵關稅期滿請將短收贏餘銀兩著落前

任監督賠繳一摺各省關差織造例有年節等貢經  
朕大加裁減並裁汰一切款項該員等覈算徵收贏  
餘自應有贏無絀乃前任滸墅關監督嘉祿任內按  
日計算竟少收銀十一萬八千九十九餘兩之多非辦  
理不善即係侵蝕入己不可不稍加懲治嘉祿著革  
去參領銜降為五品頂戴仍留熱河總管之任除延  
隆任內多收銀五千三百十八兩零業經抵補外所  
有銀任內少收贏餘銀十一萬二千七百七十四  
兩零著嘉祿迅速照數賠繳毋再遲逾干咎○又奏

准由牘分口之儀徵牘移設新城鎮。其儀徵牘例徵河餉並隨纜銀兩亦准徵收。惟不得五餉並徵以符定制。○又奏准裁撤儀徵牘舊口於新城鎮設役巡查仍照儀徵牘原設名數覈實報銷。其外江赴儀徵銷售及儀邑出沙漫洲貨物為數無多准予免稅並飭該管道員禁止書役人等不得藉滋擾累。○四年

諭據戶部奏各省關稅銀兩除本省扣充兵餉及部議准其動撥外餘俱解交部庫以供京營兵餉及一切經費請飭各督撫毋得自行指撥等語國家薄賦輕

徭各項錢糧從不輕加銖黍歲入歲出俱有定額並非務為封殖各省關稅銀兩解存部庫原以備庶政之需若任聽外省自行指撥在各關監督不過節省運費而庫項漸少歲支各款又將何項應用嗣後各省督撫如有迫不及待之項仍准其聲敘實在情形奏明辦理其非迫不及待之款遇有需用或另籌開款或飭部酌撥母得率行指撥關稅以符定制○又諭監督等應徵額銀既係按在任月日計算盈虧又復令有虧無虧之員一律勦拏賠補嗣後經徵各員特有各任勦拏之例皆不認真辦理輒藉口於月分淡

旺不同。以多報少。甚至後任因前任既經虧短。不肯以多收之數。全行奏報。留為他日分賠地步。必有此等流弊。著戶部悉心另行妥議。具奏欽此。遵

旨議奏。嗣後各關徵收稅額。無論一任數任。俟一年期滿。通計全額有無短少。即於奏報摺內聲明。遵照勦攤之例。各按在任月日勦攤分賠。其應得處分。除經徵足額及前後兩任足以抵補。毋庸議外。止將短收之員分別正額贏餘。照例議處。○五年覆准更定浙海關稅則。羽毛綬一項。上等照哆囉呢例。每丈作八尺。九折稅一錢八分。

次下照哩噏綴例。每丈作八尺九折稅一錢八釐。粗白布將二丈八尺以上者。均以二丈八尺科計。每十足作八足。徵稅二分四釐。二丈八尺以下者。均以一丈四尺科計。每二十疋作八疋。徵稅二分四釐。閩廣粗麻布。每件作四疋。稅八釐。不論單頭連機。總須按疋計算。○又覆准福州琅琦島地方。現有商船收泊。議設巡役一名。哨丁二名。在彼稽查。遇有進口船隻。令閩安鎮口填給清單。前赴南臺口報稅。出口船隻。仍由閩安鎮查驗放行。其在琅琦避風寄棧。應令驗

明貨單相符。方准出。至所設巡役哨丁。在於各口移撥巡查。仍嚴飭止許稽查偷漏。不得設員科稅。並藉端需索。○十年議准。歷年缺額之淮安。滸墅。揚州。臨清等關。及間有缺額之江南。新鳳陽。蕪湖。江西。新等關。各按

欽定贏餘銀數。以六成作為額內贏餘。遇有短少。著落賠繳。仍按額內贏餘短收分數。照例議處。以四成作為額外贏餘。遇有短少。著落賠繳。寬免處分。各關徵收贏餘溢額。即按多收分數。分別給予議敘。以昭平允。○十一年議准。崇文門。左翼

右翼。山海關。張家口。殺虎口等六處正項稅銀。  
解交部庫。原有例定期限。逾限不解。將監督題  
參議處。嗣後照例辦理。如有逾限。改為奏參。以  
昭覈實。○又

諭戶部奏酌議關稅賠繳限期。以清課額一摺。各關監  
督徵收稅課。果能潔己奉公。何致累年虧缺贏餘銀  
兩。動逾數萬。前經降旨酌減。滸墅。淮安二關稅額。該  
員等尤當激發天良。覈實辦理。各關徵收之員任滿  
時。儻有以多報少。或於虧缺之數。以少報多。即與侵  
蝕倉庫錢糧無異。著責成各該督撫。於該監督任滿

時。就近詳加察訪。如有此等情弊。立即嚴參革職。送部監追。照例治罪。儻該督撫徇隱不奏。或經朕密查。或有人參奏。別經發覺。惟該督撫是問。至賠繳短徵關稅銀兩。嗣後除三百兩以下定限半年。三百兩以上定限一年。仍照承追例限辦理外。其銀數自一千兩至五千兩者。予限二年。五千兩以上至二萬兩者。予限三年。二萬兩以上至五萬兩者。予限六年。五萬兩以上至十萬兩者。予限八年。十萬兩以上亦予限八年。至一任而兩任三任各有虧缺。如准其接續完交。限期未免過寬。著統計前後所虧銀數之多寡。均

照此次所定限期辦理。經此次酌定限期之後。該監督當共知儆惕。認真經理。不得任意虧缺。致干嚴辦。除許墅淮安龍江西新江南新北新等關五處。照此限期辦理。其餘京外各關。及嘉慶四年贏餘定額之夔關等處。如有虧缺關稅之員。均於關滿奏報。及題咨到部之日起。各按銀數多寡分別限期久暫。以歸畫一。並著該部纂入則例。永遠遵行。○又

諭內務府奏遵旨酌定賠繳關稅短徵銀兩章程一摺。各關監督徵收稅課虧缺銀兩。上年曾經戶部等衙門議定章程。奏准遵行。所有稅課贏絀。均由該監督

自行奏報。統歸戶部查覈。惟滸墅淮安龍江西新九  
江南江北新等五處。向由內務府司員簡放。遇有短  
絀。照例報部辦理。迨該員回京到旗。往往以欠項較  
多。不能依限赴部完繳。輒在本旗具呈。懇請代奏繳  
銀扣俸。各閘稅課。無論正額贏餘。均閑經費。豈容絲  
毫短絀。近來各閘雖頻年奏報虧短。總不至如滸墅  
淮安兩關。動輒虧短至數萬及十餘萬兩之多。皆由  
該監督等並不實心經理。迨有虧項。又復延宕。希冀  
以俸扣抵。徒有賠繳之名。並無完交之實。此而不嚴  
加整頓。何以防流弊而重稅課。嗣後滸墅閘淮安閘

龍江西新聞九江閩南新北新聞等五處遇有虧缺  
關稅之員回旗具呈繳銀扣俸一概不准均令依限  
完納限滿不完即著革職監追如監追後仍敢任意  
延宕不行完交即著永遠監追其子孫代賠之項亦  
令依限完納不完照例監追如係赤貧取具參領佐  
領家產盡絕印甘各結仍查明並無寄頓屬實方准  
據呈奏明以俸扣抵其監督升任不依限完繳者亦  
著一體照例監追○又奏准崇文門左翼右翼山海  
關張家口殺虎口等六處監督期滿奏交贏餘  
等款銀兩勒限一月交清儻逾限不交由內務

府奏參後勒限二十日如再不完奏請革職送部監追○又

諭前因各閫監督徵收稅課累年虧缺銀兩降旨嚴定章程不准於回旗後呈請繳銀扣俸均令依限完納限滿不完革職監追如監追後仍延宕不交即著永遠監追茲閫戶部單開嘉慶道光年間滸墅淮安兩閫歷任監督徵收數目雖間有奏報多收甚屬寥寥而虧缺者甚多似此任意短少年復一年伊于胡底溯查嘉慶四年

欽定滸墅閫贏餘銀二十三萬五千兩嗣於嘉慶九年

加增銀一萬五千兩。共銀二十五萬兩。淮安關贏餘銀十一萬一千兩。嘉慶九年加增銀二萬兩。共銀十三萬一千兩。今朕酌量裁減。著將滸墅關贏餘銀減去二萬兩。每年徵收銀二十三萬兩。淮安關贏餘銀減去二萬一千兩。每年徵收銀十一萬兩。自此裁減之後。不特將嘉慶九年加增之數全行減去。並較嘉慶四年原定之數格外減少。該監督等各宜感激朕恩。共發天良。認真徵收。總期於新定數目有贏無絀。方為不負委任。儻或仍前玩視。以致額外虧缺。必將該監督等照前定章程分別革職監追及永遠監追。

嚴行懲辦。決不稍有寬貸。懷之慎之。○十三年奏准崇文門在密雲縣所屬之穆家峪地方設立稅局。派委員役稽查所有進口牛稅。即在穆家峪稅局交納。給發照票。其有至京售賣者。准其持票換引。不再收稅。○又議准嗣後穆家峪進口牛隻。奶牛收稅一錢五分。使牛收稅三分。豬收稅三分。羊收稅一分。即在穆家峪稅局就近交納。○十四年議准各關虧缺正額處分。改為欠不及半分者降二級調用。欠半分至一分以上者降三級調用。欠二分以上者降四級調用。欠

三分以上者降五級調用。欠四分以上者革職。  
仍照舊不計贏餘處分。○十六年奏准。殺虎口  
錢糧仿照各關一年一解之例。每年可節省部  
科飯食經費及解役往返腳價銀三千兩零。所  
有節省銀兩即歸入贏餘項內解交。以歸畫一。  
○二十五年奏准。各省起解關稅應交加平銀  
兩批文內聲明隨解交納。如稅銀充餉外撥。其  
加平銀兩扣存解交部庫。○又奏准。許暨閩稅  
銀或遇外撥。其加平銀兩應照舊解交部庫。由  
戶部知照。達辦處赴部領回。以昭畫一。二十

六年議准粵海閩解交內務府等處款項。兵牌  
勘合。由該督臬司填給。○咸豐二年奏准淮安  
關向有飯食罰賠二款。留為充賞公用之需。儘  
收儘放。如有墊用正項之員。即由接任監督查  
明參奏。○又議准淮安關委員養廉。如提存辦  
公無款。即在正項內支銷。○三年

諭。向來稅務贏餘。有賞給該監督若干兩者。均係特旨  
酌賞。從無該監督自行隨摺聲明之例。和潤於差滿  
回京摺內。附列上三屆贏餘清單。似有比較。請旨給  
賞之意。殊屬不合。所有贏餘銀兩。著毋庸賞給和潤。

仍著傳旨申飭○又

諭戶部奏關稅情形。請照常辦理。以裕課稅而杜弊端等語。各關課稅向例俱按正額贏餘額定銀數徵收。自本年二月逆匪竄擾江南。滸墅淮安九江蕪湖鳳陽等關紛紛奏請儘徵儘解。繼而崇文門臨清關亦援案奏請業經降旨允准。惟各關距賊氛遠近不一。情形亦各不同。若概以儘徵儘解為詞。漫無限制。必致任意侵虧。弊端百出。著照部議嗣後各關均宜設法整頓。仍遵額定稅數。照常徵收。不准以儘徵儘解。違例奏請。致滋流弊。如將來虧短實屬有因。著俟一

年期滿奏報到時。由戶部酌量情形。分別奏明。請旨  
叢辦。○四年覆准歸化城口岸。西包頭鎮薩拉齊。托  
克托城三處。嗣後從口內販來一切貨物。並從  
口外販入土產等貨。飭令就近在西包頭等處  
稅廳照例完納。赴歸化城入柵時。即驗明放行。  
毋庸再徵。○五年奏准。夔閻徵稅。從五年正月  
起。按年題報。遇閏加增。正月至六月所收稅銀。  
限八月內批解司庫。七月至年底所收稅銀。限  
次年二月內批解司庫。渝閼稅務。亦改為按年  
報滿。○又奏准。夔閼攤繳漫價。由該閼稅銀內

作正開銷。○六年

諭前因張家口監督慶文奏請將朝陽村商貨先行照例納稅一摺當交戶部查議具奏茲據該部奏稱道光二十九年都統雙德等奏請將朝陽村貨物歸入市圈一體納稅經該部議駁有案應仍遵照舊章俟貨物進口時嚴密稽查照例收稅所有該監督請將朝陽村鋪戶販貨到村時先行納稅之處應毋庸議等語張家口市圈商人由恰克圖販貨進口時先行納稅係道光五年定例並無朝陽村收稅之事自未容輕議更張惟該監督原奏內稱朝陽村鋪戶開設

至二十餘家。半係市圈分設。若不令其納稅。則將來市圈鋪戶。紛紛遷至該處開設。恐有稅之處。俱成無稅。張家口歷任鉅虧。未必不由於此等情。該監督所奏。是否因該商人等在朝陽村固貨。即可繞越他處銷售。偷漏稅課。抑或向通口內胥役私行進口。致有漏稅。著穆隆阿慶酌秉公查訪。應如何變通辦理。或應仍照舊章設法稽查。力除偷漏之弊。著即據實奏聞。○又奏准打箭鑑關雜稅。並照夔渝兩關稅務章程。○又奏准打箭鑑關雜稅。照現徵茶稅改為按年題報。遇閏即照上月銀數加增。○又奏准酌

定張家口稅則。回絨每疋徵稅五分。錦布每疋徵稅二分。回子布每疋徵稅七釐。狐貉皮每百箇徵稅二分。玻璃鏡每百斤徵稅五錢。香臘每斤徵稅五分。○八年

論。何桂清等奏。請將關稅暫增額外贏餘銀兩儘收儘解一摺。前經何桂清等奏江海關稅。每年於正額贏餘外。約可加增額外贏餘銀十二萬兩。撥充軍餉。不作永遠定額。茲據奏稱此項額外贏餘。自七年六月起至本年五月底止。一年期滿。共收銀十萬餘兩。覈與奏明約定數目。計有短絀。委因地方用兵。貨乏來

源路多阻滯。尚非稽徵不力。此項額外贏餘銀兩。著准其儘收儘解。以昭覈實。○九年奏為洋藥一項。前奏推行各關。照上海稅則。每百斤收銀三十兩。各省均已遵照辦理。何獨江蘇各關。僅徵稅銀數兩。應令江海關監督。設立印票。填註商名。並洋藥若干斤。應交關稅銀若干兩。給該商持赴經過稅關。驗票納稅後。換票放行。即將原票繳回。仍令各關查照上海科則。一樣輸課。即將所徵稅銀。按三箇月造冊報部。以重稅課而昭覈。實至洋藥徵收釐捐。本與關稅有別。原定銀二

十兩既於軍餉有裨應毋庸再加銀十兩以免該商藉口此後洋稅啟徵時仍飭令該商照常釐捐不得以洋稅抵作捐釐以杜牽混○又奏准崇文門徵收洋藥稅銀嗣後專款解交部庫遇有姦商私運按律罰懲所罰一半洋藥變價入官歸於罰款項下存公備用查向來繳收商稅例有加平銀兩惟洋藥稅課係專款徵收且走私居多必須添派書役嚴密巡查所徵此項加平銀兩即作為交部隨解飯銀暨一切工食等項之用毋庸開銷報部○又議准夔閻應繳

漫價二千四百餘兩。今該關自行籌解。不准擅動正項。○十年覆准山海關每年於正額贏餘四萬九千四百八十七兩零之外。加增銀八萬兩。按季解部。如有虧短。責令該監督照例賠補。○又奏准奉天載貨船規太輕。且無定額。茲將大船原徵銀十七兩。改徵三十四兩。未逾式船原徵銀八兩五錢。改徵十七兩。照咸豐八年報部船規銀九萬九百十六兩之數。作為正額。再加倍。作為贏餘。解部充餉。其漁船照未逾式船原徵八兩五錢外。再加倍。每隻徵銀十

七兩。大中船每隻原徵銀一兩五錢。改徵銀三

兩。小中船每隻原徵銀一兩。改徵銀二兩。○又

諭前因劉琨等會議奉天海口變通收稅章程。當交戶

部議奏。茲據戶部奏稱酌擬加增稅額四條。著照所  
請。所有奉天所產黃豆豆餅。照例收稅。此外包頭油  
蔓稅銀。由行棧交該關各口稅書承收。除該關每年  
正額贏餘之外。加銀八萬兩。作為贏餘解部。即責成  
該監督於本年八月新關期起。按季解京。如有虧短。  
勒令照數賠補。再有多餘儘收儘報。其船規一項。原  
定稅銀太輕。著將各船隻照原徵銀數各加一倍。以

咸豐八年報部稅數作為正額。此外再加一倍作為贏餘。由各口岸造冊詳報盛京將軍等彙總奏報。除留支各項外。其餘悉數解部。如有虧短。著落經徵之旗民地方官賠補。至各項貨物經過內河各口岸。定為每石徵銀四分。以咸豐八年歸公銀數作為正額。再加一倍作為贏餘。此項銀兩。以錢一串抵銀一兩。搭放盛京官兵俸餉。如徵收不能足數。亦著落經徵之員賠補。其內河漁字號小船。著照未逾式船。使一體報店交納船規十七兩。除牛莊一口辦理商捐。其餘各海口。均著盛京將軍飭旗民地方官查照辦理。

其大小牛船亦照漁船一律加倍收稅。並另委委員常川在彼實力稽查。如有無票私船即行拏辦。經此次明定章程之後。著該將軍等隨時認真查察。嚴禁偷漏。並責成該監督及旗民地方官務照新章如數徵收。如有短絀。即照閩稅定例勒限追賠。儻徵收足數外。再有贏餘。即行報部。由部奏請獎敘。如有額外私自加增。擾及商民。立即從嚴參辦。以副朕裕課恤商至意。○十一年

諭江蘇上海關代徵甯波關稅鈔。原因浙海關徵收各國稅鈔。向歸舊關與內地商稅分別稽徵。書舍人等

無從得其要領。從權辦理。由江海關代為徵收。現在  
甯波既仿照上海設立新關。且有外國人日意格司  
理稅務。自應照王有齡所奏。各歸各口徵收。以清界  
限。著薛煥查明嗣後外國貿易商船。如由上海等處  
出口之貨。江海等關。止收本關出口稅鈔。毋庸另給  
印單。代收浙海關進口稅鈔。儻稅已交納。貨未銷售。  
仍赴別口銷賣。所收稅銀。或即行發還。或給予票據。  
留抵本關下次之稅。所有免單認單。即著停止。其浙  
海關徵收稅鈔。亦即照此辦理。以清界限而杜影射。

○同治元年奏准。直隸永平府屬海稅。分別議

增。灤州屬劉家河口。每歲徵銀一百二十兩。昌黎屬蒲河口。撫甯屬洋河口。每歲徵銀一百兩。樂亭屬清河口。每歲徵銀六百兩。甯河屬北塘海口米糧。每歲徵銀一千六百兩。均作為定額。如徵不足數。令各該經徵官補足報解。○二年奏准。太平關贏餘七萬五千五百兩。又木稅贏餘六千餘兩。照案辦理。○又奏准。各海關洋稅收支數目。均以咸豐十年八月十七日為始。按三箇月奏報一次。扣足四結。專摺奏銷一次。仍從第一結起。造具每結四柱清冊。送部查覈。毋

庸按照關期題銷。以清界畫而免稽延。其各關應徵常稅。仍令各按關期照常題銷。以符舊制。  
○三年奏准。直省各關徵收正稅贏餘。除山海關。張家口。殺虎口三處。前後任各按在任月日。覈計本任短徵銀數。各賠各任。毋庸統算外。其餘各關徵收。責令該監督按月咨明督撫。無論兩任三任。俱扣足一年。一面奏報。一面咨會督撫。其所收贏餘並無虧少。及彼此兩任能抵補者。均毋庸議。其不能抵補者。將短少之員議處。俱不足者。均分別議處。○又

諭。前因英元奏山海關監督任內短徵銀兩與鳳安無涉。請將部議令鳳安攤賠之款仍由英元賠繳。諭令戶部查議具奏。茲據該部奏稱。各閘管關人員向例無論兩任數任。統以一年為期。儻有短少。各按在任月日攤賠。惟嘉慶二十四年崇文門左右兩翼遇有前任未經缺額。後任始行虧短。即著落後任賠繳奉有

諭旨。咸豐四年殺虎口短徵銀兩亦係按日覈計。並不將前後任牽算。亦經辦有成案。查英元接收交代摺內。曾經奏明鳳安代徵一百三十五日。移交均屬敷

額是短收新增贏餘銀兩。係英元接徵後始行虧短。  
自應按照成案准如所請辦理等語。各關短徵稅銀。  
如第按任期攤繳。恐後任恃有前任分賠轉滋弊竄。  
所有英元在山海關監督任內短徵新增贏餘銀一  
萬八千三百八十三兩內。議令鳳安攤賠之六千餘  
兩。著照部議責令英元於限內照數完繳。毋庸令鳳  
安分賠。嗣後山海關及張家口殺虎口關期任期。暨  
代徵名目悉仍其舊。惟應徵稅課凡在此次奉旨以  
後交議者無論經徵代徵均按在任月日彙計。毋庸  
按年統算。以歸盡一而杜牽混。並著纂入則例。永遠

遵行。此外各關仍不得援照辦理。○四年奏准收稅之多寡不在單簿之有無。嗣後各關常稅商填等簿。以及紅單各件。概行裁撤。毋庸再赴戶部戶科請領。以歸畫一。○又奏准。東海關常稅。自同治元年六月開辦起。按照天津關稅則徵收。二年六月先由煙臺舉辦。其餘大小各口。均於七月一體照辦。迨奉部議更正稅則。已在三年五月間。此兩年中徵收稅銀數目。多寡懸殊。現聞稅日見暢旺。若遽請定額轉不足以昭覈實。請自同治三年五月十八日遵辦更正稅則之。

日為始。連閏扣至六年四月十七日三年期滿。  
再行定額。以計考成。如有贏餘。據實報明。短少  
著落。賠補以杜侵欺而重課稅。○六年

諭倉場侍郎鍾岱。宋晉奏。查明通關稅課。歷年動缺銀  
兩。請分別追賠。開單呈覽一摺。通關稅課。每年例徵  
正額贏餘銀一萬二千三百餘兩。為通惠河歲修及  
汎弁俸糧之用。乃自道光十九年以後。歷年短徵及  
書吏認交追交挪移墊用各款。共計銀二萬二千七  
百餘兩之多。歷任監督挪新掩舊。前後彌縫。積習相  
沿。幾至虛懸無著。若不明定章程。分別賠繳。何以清

庫款而重稅課。此項銀兩著照所擬分作十成責令該關書吏賠繳四成銀九千九十兩零分作十五年繳清儻有逾玩即行送部監追其六成銀一萬三千六百餘兩著照單開按各監督在任月日均勻攤賠分限追繳如限滿不完即由吏部照例叅辦嗣後通關稅課務須年清年款不准前後牽混致滋流弊○

又奏准太平粵海等關季飯考覈等銀令該關委員一併附解所解銀兩及一切文批自行當堂投遞並親身赴庫交納儻有包攬勒索情事照例分別嚴懲○又奏准張家口等三關解京

各款除各監督任滿親齋來京者仍照向章不  
計外其餘解京各款概令委員解京不得仍前  
再委差吏其太平粵海等關解部正稅贏餘等  
項銀兩均照章委員批解其季飯考覈等銀即  
由該關道委員一併附解來京○又奏准嗣後  
各關商稅一律復用紅單隨同日徵細數清冊  
送部考覈○又議准粵海關常稅正額銀五萬  
六千五百十一兩九錢四分一釐贏餘銀十萬  
兩又北海關稽徵貨稅均經奏明歸入常稅關  
期報滿摺內分別具奏○七年奏准閩海關徵

收常稅。裁撤親填等簿。仿照洋稅成案飭造日。  
徵細冊。以備查考。紅單一項。係由關發給之單。  
商人完稅後。執以為憑。儻或單貨不符。即屬偷  
漏夾帶。勢難裁撤。仍照舊填給紅單。以憑考覈。  
並令各關將逐日徵收稅數細冊。於關期滿後。  
遵照例定限期。隨同紅單及支用經費等冊。送  
部考覈。其餘各關。一律復用紅單。以昭畫一。

又奏准。殺虎口監督應行解部正項各款。並飯  
食等項銀兩。均於任滿後。親齎到京交納。○又  
奏准。張家口監督應解款項數在一千兩以上。

者即移交口北道委員管解其應解飯銀等款。於任滿後親齋到京交納不得仍委差吏。○八年議准伯都訥廳新增稅額徵收虧短於長春廳包稅土稅之外每歲加包稅一萬二千串遇閏再增即於所增稅錢內以五千串市錢劃抵伯都訥廳額稅其伯都訥廳額稅自同治八年起以一萬五千串作為定額。○十二年奏准近年雷廉各口稅收日絀皆因北海地方無所稽查易於繞漏嗣後以北海為總匯設關徵稅如有進出口貨物按大關稅則徵收所徵稅銀按

月具報廉州府屬之欽州與北海最為切近其  
次則高州府電白縣屬之水東高州府石城縣  
屬之暗鋪雷州府遂溪縣屬之赤坎高州府吳  
川縣石城縣雷州府遂溪縣交界之石門頭雷  
州府海康縣屬之雷州等六處設立北海分卡  
稽徵並發給圖記如有進出口貨物照大關稅  
則一律徵收所徵稅銀隨同北海按月具報此  
外尚有廉州府欽州所屬之平銀長墩防城三  
處均設立北海稽查子卡以昭嚴密○十三年  
奏准新添浙江溫州等四處通商口岸按照瓊

州開辦成案。將所收各項稅銀。按三箇月奏報一次。並將收支數目。造冊報查。○又奏准。歐海關歲需經費銀五千六百七十兩九錢。作為定額。現需經費除就所收稅項開支外。尚有不敷。暫由浙海關洋稅項下撥用。造報覈銷。○又奏准。各海關洋稅奏銷辦理未能畫一。應令將結數起止改歸一律。至一百八結止。歐海關仍從第一百一結起。至一百四結止。又自第一百五結起。至一百八結止。分作兩屆。依限辦理。○又奏准。洋藥每百斤徵收稅銀三十兩。每三箇月

將徵數報部。一面歸數起解。○光緒七年奏准。  
九江蕪湖等處所設新關。俱每月支關道薪水  
銀二百四十兩。惟甌海關開辦之初。因洋稅寥  
寥。一年收數不敷之款。暫由甯波關撥補。是以  
監督薪水亦未議及。現在逐年整理。稅務日有  
起色。監督辦公經費。亦較前倍蓰。應援照成案  
提給。以資辦公。○又奏准。甘肅嘉峪新設洋關。  
事尚簡少。一切經費。比照宜昌關章程辦理。每  
月急需用款。計銀一千一百五十六兩四錢。請  
於他關分撥。以資辦公。○八年奏准。廣東肇慶

府黃江廠向係徵收下水商稅。遞年額徵銀一萬二千八百餘兩。耗銀三百餘兩。贏餘銀一萬五千九百餘兩。遇閏增銀一千七百餘兩。嗣又額外加徵贏餘銀二萬兩。又提橋羨銀一萬兩為撥支本省緝捕師船弁兵口糧之用。自咸豐四年粵匪滋擾。道路梗阻。所有雲貴等處貨物皆由廣西橫州支河繞道航海。運赴香港澳門發售。不由西江大河經過。以致收項短絀。近雖地方平靖。而商人因內河均設釐卡。仍多繞道航海者。計歷年所收廠稅除正額贏餘僅數批。

解外。其額外加增贏餘及橋羨二款。竟難如數徵解。嗣後飭令認真稽覈。如於正額贏餘外稍有溢收。即當據實報明。悉數完解。○十年奏准現在餉項支絀。擬自本年九月十六日以前。凡應賠關稅各員。無論多寡。悉按原欠數目減免五成。著賠五成。統限至十一年九月十六日為止。如依限將五成繳清。下短五成。悉予寬免。在外各員。照此次定限。定數交納。由藩司專批解部。不准移作別用。○又奏准。江漢關徵收洋稅。按結提解部庫四成。嗣於四成銀內酌留二成。

以備機器局用款。其餘二成內除額撥點餉並  
提解加放俸餉外。餘賸銀兩同招商局四成稅  
銀一併分解南北洋充作海防經費。○又奏准  
江漢關第九十五結期滿清單僅有收支款目  
以致各結總數未能聯貫嗣後令將舊管新收  
開除實存分為四柱逐款開列以昭明晰。○又  
奏定臨清工關短徵稅銀准以戶關之溢額撥  
補免賠撥賸溢收之項照章叢給獎敘。○十一  
年奏准中江稅課每年約徵收正耗銀三千三  
百餘兩自改歸東邊道徵收以來一年零一箇

月共收正耗銀四萬四千餘兩較前多收十倍  
緣於九連城關卡之外擇其要路近在長甸河  
口沙河子三道浪頭遠在孤山莊河沿江一帶  
分別酌設局卡認真稽徵之故所有委員書手  
薪水工食銀兩擬提贏餘稅銀以八成歸公充  
餉其餘二成作為稅局經費以資稽查而裕稅  
課○十三年奏准各海關洋稅收支數目辦理  
未能畫一以致無從稽覈應飭通商大臣暨管  
關督撫將軍監督一體遵照前次奏案即將徵  
收洋稅及收支數目按照開列清單奏報一次

仍按四結開單奏銷一次。概不得以收支數目竄入原摺。致令混雜。仍一面造具四柱清冊。暨支銷經費銀兩清冊。分送戶部暨總理各國事務衙門。以憑覈銷。○又奏准。嗣後實存銀兩。務須列入次結舊管。跟接奏報。毋得遺漏。○十六年咨准。嗣後東海關收支各款。如有不敷開支之處。應即歸入次結支款項下開除。不得於應存項下。列一借墊名目。前後轡轍。致涉牽混。